


唐詩三百首





唐詩三百首 註釋

长春市古籍书店

唐詩三百首題辭

世俗兒童就學即授千家詩取其易於成誦故流傳不廢但其詩隨手掇拾工拙莫辨且止七言律絕二體而唐宋人又雜出其間殊乖體制因專就唐詩中膾炙人口之作擇其尤要者每體得數十首共三百餘首錄成一編為家塾課本俾童而習之白首亦莫廢較千家詩不遠勝邪諺云熟讀唐詩三百首不會吟詩也會吟請以是編驗之

乾隆癸未年春日蘅塘退士原題

目錄

五言古詩三十三首

樂府七首

七言古詩二十八首

樂府十四首

五言律詩八十首

七言律詩五十首

樂府一首

五言絕句二十九首

樂府八首

七言絕句五十一首

樂府九首

共三百一十一首

註釋唐詩三百首卷一

衡塘退士手編

五古

感遇 二首

張九齡

蘭葉春葳蕤。桂華秋皎潔。欣欣此生意。自爾為佳節。誰知林
棲者。聞風坐相悅。草木有本心。何求美人折。

葳蕤

葳蕤佳切音疑
草木華垂貌

江南有丹橘。經冬猶綠林。豈伊地氣暖。自有歲寒心。可以薦
嘉客。奈何阻重深。運命唯所遇。循環不可尋。徒言樹桃李。此
木豈無陰。

下終南山過斛斯山人宿置酒

李白

暮從碧山下。山月隨人歸。卻顧所來徑。蒼蒼橫翠微。相攜及
田家。童稚開荆扉。綠竹入幽徑。青蘿拂行衣。歡言得所憩。美
酒聊共揮。長歌吟松風。曲盡河星稀。我醉君復樂。陶然共忘

相携及田家童稚



機

終南山

（一統志）在西安府城南五十里

翠微

爾雅山未及上曰翠微

月下獨酌

李白

花間一壺酒。獨酌無相親。舉杯邀明月。對影成三人。月既不解飲。影徒隨我身。暫伴月將影。行樂須及春。我歌月徘徊。我舞影零亂。醒時同交歡。醉後各分散。永結無情遊。相期邈雲漢。

春思

李白

燕草如碧絲。秦桑低綠枝。當君懷歸日。是妾斷腸時。春風不相識。何事入羅幃。

望嶽

杜甫

岱宗夫如何。齊魯青未了。造化鍾神秀。陰陽割昏曉。盪胸生層雲。決眚入歸鳥。會當凌絕頂。一覽眾山小。

贈衛八處士

杜甫



怡然敬父執問我來何方



人生不相見動如參與商今夕復何夕共此燈燭光少壯能幾時鬢髮各已蒼訪舊半為鬼驚呼熱中腸焉知二十載重上君子堂昔別君未婚兒女忽成行怡然敬父執問我來何方問答未及已兒女羅酒漿夜雨剪春韭新炊間黃粱主稱會面難一舉累十觴十觴亦不醉感子故意長明日隔山岳世事兩茫茫

衛八處士

唐史拾遺公與李白高適衛賓相友善時賓年最少號小友此當是也

參商

左傳高辛氏有二子曰閼伯曰實沈日尋干戈

帝遷閼伯於商丘主辰故辰為商星遷實沈於大夏主參故參為晉星

佳人

杜甫

絕代有佳人幽居在空谷自云良家子零落依草木關中昔喪亂兄弟遭殺戮官高何足論不得收骨肉世情惡衰歇萬事隨轉燭夫婿輕薄兒新人美如玉合昏尚知時鴛鴦不獨宿但見新人笑那聞舊人哭在山泉水清出山泉水濁侍婢賣珠迴牽蘿補茅屋摘花不插髮采柏動盈掬天寒翠袖薄

天寒翠袖薄

日暮倚修竹

日暮倚修竹

合昏

本草合歡至暮即合故云合昏

夢李白

二首

杜甫

死別已吞聲。生別常惻惻。江南瘴癘地。逐客無消息。故人入我夢。明我長相憶。恐非平生魂。路遠不可測。魂來楓林青。魂返關塞黑。君今在羅網。何以有羽翼。落月滿屋梁。猶疑照顏色。水深波浪濤。無使蛟龍得。

浮雲終日行。遊子久不至。三夜頻夢君。情親見君意。告歸常局促。苦道來不易。江湖多風波。舟楫恐失墜。出門搔白首。若負平生志。冠蓋滿京華。斯人獨顛顚。孰云網恢恢。將老身反累。千秋萬歲名。寂寞身後事。

李白

天寶十五載白卧廬山水王璿追致之璿里敗白坐繫海陽獄得釋乾元元年終以汚瑋事長流夜郎遠沉洞庭上峽江至巫山以赦得釋

送別

王維

下馬飲君酒。問君何所之。君言不得意。歸臥南山陲。但去莫



復問白雲無盡時

送綦毋潛落第還鄉

王維

聖代無隱者。英靈盡來歸。遂令東山客。不得顧採薇。既至金門遠。孰云吾道非。江淮渡寒食。京洛縫春衣。置酒長安道。同心與我違。行當浮桂棹。未幾拂荆扉。遠樹帶行客。孤城當落暉。吾謀適不用。勿謂知音稀。

青谿

王維

言入黃花川。每逐青谿水。隨山將萬轉。趣途無百里。聲喧亂石中。色靜深松裏。漾漾汎菱荇。澄澄映葭葦。我心素已閒。清川澹如此。請留盤石上。垂釣將已矣。

黃花川

水經注大散水西流入黃花川

渭川田家

王維

斜陽照墟落。窮巷牛羊歸。野老念牧童。倚杖候荆扉。雉雉麥苗秀。蠶眠桑葉稀。田夫荷鋤至。相見語依依。即此羨閑逸。悵

聲喧亂石中色靜深松裏



田夫鋤禾 相見語依依



然吟式微

西施詠

王維

艷色天下重。西施寧久微。
朝為越谿女。暮作吳宮妃。
賤日豈殊眾。貴來方悟稀。
邀人傅脂粉。不自著羅衣。
君寵益嬌態。君憐無是非。
當時浣紗伴。莫得同車歸。
持謝鄰家子。效顰安可希。

秋登蘭山寄張五

孟浩然

北山白雲裏。隱者自怡悅。
相望試登高。心隨雁飛滅。
愁因薄暮起。興是清秋發。
時見歸村人。沙行渡頭歇。
天邊樹若齊。江畔洲如月。
何當載酒來。共醉重陽節。

蘭山

名山記石門山在慶符縣治南下瞰石門江林薄間多蘭草一名蘭山

夏日南亭懷辛大

孟浩然

山光忽西落。池月漸東上。
散髮乘夕涼。開軒臥閑敞。
荷風送香氣。竹露滴清響。
欲取鳴琴彈。恨無知音賞。
感此懷故人。中宵坐三丈。

宵勞夢想

宿業師山房待丁大不至

孟浩然

夕陽度西嶺。羣壑倏已暝。松月生夜涼。風泉滿清聽。樵人歸欲盡。煙鳥棲初定。之子期宿來。孤琴候蘿逕。

同從弟南齋翫月憶山陰崔少府

王昌齡

高卧南齋時。開帷月初吐。清輝淡水木。演漾在窗戶。荏苒幾盈虛。澄澄變今古。美人清江畔。是夜越吟苦。千里共如何。微風吹蘭杜。

尋西山隱者不遇

邱為

絕頂一茅茨。直上三十里。叩關無僮僕。窺室唯紫几。若非巾柴車。應是釣秋水。差池不相見。黽勉空仰止。草色新雨中。松聲晚窗裏。及茲契幽絕。自足蕩心耳。雖無賓主意。頗得清淨理。興盡方下山。何必待之子。

春泛若耶溪

綦毋潛

松月生夜涼
風泉滿清聽



晚風吹行舟花語入谿口



幽意無斷絕此去隨所偶晚風吹行舟花語入谿口際夜轉
西壑隔山望南斗潭煙飛溶溶林月低向後生事且瀟漫願
為持竿叟

若耶溪

水經注若耶溪水上承嵯岨麻溪谿下之孤潭周數畝山麻溪下注若耶溪至清照東山倒影窺之如畫實字記若耶溪在會稽縣東二十八里

宿王昌齡隱居

常建

清谿深不測隱處惟孤雲松際露微月清光猶為君茅亭宿
花影樂院滋苔紋余亦謝時去西山鸞鶴羣

興高適薛據登慈恩寺浮圖

岑參

塔勢如湧出孤高聳天宮登臨出世界磴道盤虛空突兀壓
神州崢嶸如鬼工四角礙白日七層摩蒼穹下窺指高鳥俯
聽聞驚風連山若波濤奔走似朝東青槐夾馳道宮觀何玲
瓏秋色從西來蒼然滿關中五陵北原上萬古青濛濛淨理
了可悟勝因風所宗誓將挂冠去覺道資無窮

慈恩寺塔

長安志慈恩寺隋無漏寺故地高宗在東宮時為文德皇后立故名慈恩浮圖永徽三年沙門玄奘所立後漸頽長安中改建五陵

泉源在庭戶

洞壑



西都賦北眺五陵李善注高帝葬長陵惠帝葬安陵景帝葬陽陵武帝葬茂陵昭帝葬平陵

賊退示官吏

元結

癸卯歲西原賊入道州焚燒殺掠幾盡而去明年賊又攻永破郡不犯此州邊鄙而退豈力能制敵與蓋蒙其傷憐而已諸使何為忍苦徵斂故作詩一篇以示官吏

昔年逢太平山林二十年泉源在庭戶洞壑當門前井稅有常期日晏猶得眠忽然遭世變數歲親戎旃今來典斯郡山夷又紛然城小賊不屠人貧傷可憐是以臨鄰境此州獨見全使臣將王命豈不如賊焉令被徵斂者迫之如火煎誰能絕人命以作時世賢思欲委符節引竿自刺船將家就魚麥歸老江湖邊

西原賊

唐書元結傳

代宗拜結道州刺史初西原蠻掠居人數萬去遺戶裁四十諸使調發符牒二百函結以人困甚不忍加賦即上言臣州為賊焚破糧儲屋宅男女牛馬幾盡今百姓十不一在耄孺騷離未有所安請免百姓所負租稅及租庸使和市雜物十三萬緡帝許之明年租庸使索上供十萬緡結又奏歲正租庸外所

率宜以時增減詔可結為民營
舍結田免稅役派亡歸者萬餘

郡齋雨中與諸文士燕集

韋應物

兵衛森畫戟宴寢凝清香海上風雨至逍遙池閣涼煩疴近
消散嘉賓復滿堂自慙居處崇未覩斯民康理會是非遣性
達形迹忘鮮肥屬時禁蔬果幸見嘗俯飲一杯酒仰聆金玉
章神歡體自輕意欲凌風翔吳中盛文史羣彥今汪洋方知
大藩地豈曰財賦強

郡齋

貞元初應物為蘇州刺史

初發揚子寄元大校書

韋應物

悽悽去親愛泛泛入煙霧歸棹洛陽人殘鐘廣陵樹今朝此
為別何處還相遇世事波上舟沿洄安得住


揚子

一統志鎮江府大江即揚子江

寄全椒山中道士

韋應物

今朝郡齋冷忽念山中客澗底束荆薪歸來煮白石欲持一





瓢酒遠慰風雨夕落葉滿空山何處尋行迹

全椒山

一統志滁州全椒縣神山有洞極深景物幽邃

郡齋

建中二年應物出刺滁州

長安遇馮著

韋應物

客從東方來衣上灞陵雨問客何為來采山因買斧冥冥花
正開颺颺燕新乳昨別今已春鬢絲生幾縷

夕次盱眙縣

韋應物

落帆逗淮鎮停舫臨孤驛浩浩風起波冥冥日沈夕人歸山
郭暗雁下蘆洲白獨夜憶秦關聽鐘未眠客

盱眙縣

屬臨淮郡

東郊

韋應物

吏舍跼終年出郊曠清曠楊柳散和風青山澹吾慮依叢適
自憇緣澗還復去微雨霽芳原春鳩鳴何處樂幽心屢止遵
事跡猶遽終罷斯結廬慕陶直可底

送楊氏女

韋應物

同持月素書
步出東高漬



永日方慊慊。出行復悠悠。女子今有行。大江沂輕舟。爾輩苦
無恃。撫念益慈柔。幼為長。所有兩別泣。不休對此結。中腸義
往難復留。自小闕內訓。事姑貽我憂。賴茲託令門。仁邱底無
尤。貧儉誠所尚。資從豈待周。孝恭遵婦道。容止順其猷。別離
在今晨。見爾當何秋。居閒始自遣。臨感忽難收。歸來視幼女
零淚緣纓流。

晨詣超師院讀禪經

柳宗元

汲井漱寒齒。清心拂塵服。閒持貝葉書。步出東齋讀。真源了
無取。妄跡世所逐。遺言冀可冥。繕性何由熟。道人庭宇靜。苔
色連深竹。日出霧露餘。青松如膏沐。澹然離言說。悟悅心自
足。

貝葉書

本集註西域有貝多樹國人
以其葉寫經故曰貝葉書

繕性

莊子繕性於
俗注繕治也

溪居

柳宗元

久為簪組束。幸此南夷謫。閒依農圃鄰。偶似山林客。曉耕翻



露草夜榜響溪石來往不逢人長歌楚天碧

樂府

凡郭茂倩所收者俱列於此餘亦然

塞上曲

王昌齡

蟬鳴空桑林八月蕭關道出塞入塞寒處處黃蘆草從來幽并客皆共塵沙老莫學游俠兒矜誇紫騮好

塞下曲

王昌齡

飲馬渡秋水水寒風似刀平沙日未沒黯黯見臨洮昔日長城戰咸言意氣高黃塵足今古白骨亂蓬蒿

臨洮

漢書地理志隴西郡臨洮縣

關山月

李白

明月出天山蒼茫雲海閒長風幾萬里吹度玉門關漢下白登道胡窺青海灣由來征戰地不見有人還戍客望邊邑思歸多苦顏高樓當此夜歎息未應閒

關山月

樂府解題曰關山月傷離別也古不關詩曰萬里赴戎機關山度若飛朔氣傳金柝寒光照鐵衣相和曲有度關山類此

天山

漢書武帝紀